



**PEKELILING PENTADBIRAN
BILANGAN 27 TAHUN 2019**

**GARIS PANDUAN *SPEAKER'S CORNER*
DI UNIVERSITI TEKNIKAL MALAYSIA MELAKA**

Pejabat Pendaftar

4 Julai 2019 | 1 Zulkaedah 1440H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri dan Masyarakat)

Penolong Naib Canselor (Pembangunan dan Pengurusan Fasiliti)

Pegawai-Pegawai Kanan

YDP Majlis Perwakilan Pelajar

PEKELILING PENTADBIRAN BIL. 27/2018

GARIS PANDUAN *SPEAKER'S CORNER* DI UNIVERSITI TEKNIKAL MALAYSIA MELAKA

Pekeliling Pentadbiran ini bertujuan untuk memaklumkan kepada semua staf dan pelajar Universiti Teknikal Malaysia Melaka (UTeM) mengenai keputusan Lembaga Pengarah Universiti Bilangan 2 Tahun 2019 yang telah bersidang pada 18 April 2019 telah bersetuju berkaitan Garis Panduan *Speaker's Corner* di Universiti Teknikal Malaysia Melaka.

2.0 Untuk memudahkan pelaksanaan *Speaker's Corner* ini, staf dan pelajar harus mematuhi Garis Panduan *Speaker's Corner* yang telah dipersetujui bagi mencapai objektifnya. Garis Panduan *Speaker's Corner* adalah seperti di **LAMPIRAN 1**.

3.0 Sehubungan dengan itu, seluruh warga Universiti Teknikal Malaysia Melaka (UTeM) diharap dapat memberikan kerjasama serta meningkatkan kecemerlangan Universiti melalui pelaksanaan *Speaker's Corner* ini.

4.0 Sebarang pertanyaan lanjut berhubung perkara ini boleh dikemukakan kepada Bahagian Pembangunan Pelajar, Pejabat Timbalan Naib Canselor (Hal Ehwal Pelajar).

Sekian, terima kasih.

"BERKHIDMAT UNTUK NEGARA"

"KOMPETENSI TERAS KEGEMILANGAN"

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka

**GARIS PANDUAN *SPEAKER'S CORNER*
UNIVERSITI TEKNIKAL MALAYSIA MELAKA**

1.0 TUJUAN

- 1.1. Tujuan Garis Panduan ini adalah untuk menjelaskan kepada pelajar mengenai pelaksanaan aktiviti berkaitan *Speaker's Corner* di UTeM.

2.0 TAFSIRAN DAN INTERPRETASI

- 2.1 Dalam Garis Panduan ini, melainkan jika konteksnya menghendaki makna yang lain -

2.1.1 "lokasi" ertinya lokasi *Speaker's Corner* yang telah ditetapkan iaitu:

- i. Pusat Persatuan Pelajar
- ii. Perpustakaan Laman Hikmah
- iii. Arked Lestari
- iv. Kafetaria Kolej Kediaman Satria

2.1.2 "pelajar" ertinya seseorang yang mendaftar sesuatu program akademik (sama ada penuh atau separuh masa) di UTeM dan statusnya masih aktif;

2.1.3 "Garis Panduan" ertinya Garis Panduan *Speaker's Corner* Universiti Teknikal Malaysia Melaka;

2.1.4 "PHEP" ertinya Pejabat Hal Ehwal Pelajar; dan

2.1.5 "UTeM" bermaksud Universiti Teknikal Malaysia Melaka.

2.2 Interpretasi

2.2.1 Mana-mana perkataan dalam bentuk tunggal adalah termasuk juga yang majmuk dan sebaliknya.

2.2.2 Pada bila-bila masa Garis Panduan ini merujuk setiap hari

dalam kalendar, apa-apa angka atau nombor tersebut hendaklah dirujuk kepada hari-hari dalam kalendar Gregorian.

2.2.3 Tajuk-tajuk dan tajuk-tajuk kecil dalam Garis Panduan ini dimasukkan bertujuan untuk memudahkan rujukan sahaja dan tidak boleh dibuat pertimbangan dalam mentafsirkan Garis Panduan ini.

2.2.4 Lampiran-lampiran yang dirujuk di dalam Garis Panduan ini (jika ada) hendaklah diambil, dianggap, dibaca dan ditafsirkan sebagai bahagian yang penting kepada Garis Panduan ini.

3.0 KANDUNGAN UCAPAN

3.1 Kandungan ucapan hendaklah disediakan sama ada dalam:-

- i. Bahasa Malaysia;
- ii. Bahasa Inggeris;
- iii. Bahasa yang mudah difahami oleh penonton; atau
- iv. semua di atas.

3.2 Kandungan ucapan hendaklah:-

- i. memberi manfaat kepada semua pihak; dan
- ii. mempunyai nilai intelektual, berfakta, tidak bersifat berat sebelah atau menjurus kepada spekulasi atau propaganda semata-mata.

3.3 Kandungan ucapan hendaklah tidak menyentuh isu-isu berikut:-

- i. agama;
- ii. kaum;
- iii. jantina; dan
- iv. individu.

3.4 Walau bagaimanapun, isu-isu berikut boleh dibincangkan tetapi kandungan ucapan hendaklah menjaga adab dan tatasusila sepanjang sesi *Speaker's Corner*:-

- i. jantina;
- ii. budaya;
- iii. individu;
- iv. negara;
- v. isu-isu lain; atau
- vi. semua di atas.

3.5 Pelajar hendaklah bertanggungjawab terhadap perkara yang disampaikan sepanjang *Speaker's Corner*.

4.0 ETIKA PAKAIAN DAN PENAMPILAN

4.1 Pelajar hendaklah mematuhi:-

- i. "Peraturan Pakaian dan Penampilan Pelajar"; dan
- ii. apa-apa undang-undang, peraturan, kaedah dan panduan, yang berkuat kuasa dari semasa ke semasa sepanjang aktiviti berlangsung.

5.0 PENGGUNAAN LOKASI

5.1 Borang Pemakluman Penggunaan *Speaker's Corner* hendaklah diisi secara atas talian sebelum tarikh sesi *Speaker's Corner* diadakan untuk tujuan penyelarasan.

5.2 Sebarang aktiviti atau penggunaan lokasi hendaklah tidak mengganggu waktu pembelajaran.

5.3 Pelajar hendaklah sentiasa menjaga kebersihan lokasi semasa dan selepas aktiviti atau sesi *Speaker's Corner*.

5.4 Sebarang iklan sama ada dalam bentuk:-

- i. *brochure*;
- ii. *pamphlet*;

- iii. *banner*;
- iv. *bunting*;
- v. *flyers*;
- vi. poster;
- vii. mana-mana laman media sosial; atau
- viii. semua di atas,

hendaklah diserahkan kepada Bahagian Pembangunan Pelajar, PHEP sebelum tarikh sesi *Speaker's Corner* diadakan untuk tujuan penyelarasan.

6.0 LARANGAN MENGUTIP WANG

- 6.1 Pelajar dilarang memungut atau cuba memungut, atau menganjurkan atau cuba menganjurkan apa-apa pemungutan, atau apa-apa rayuan secara lisan atau secara bertulis atau selainnya atau cuba membuat sesuatu rayuan itu untuk, apa-apa wang atau harta lain daripada sesiapa jua.

7.0 PELAPORAN

- 7.1 Pelajar hendaklah memulangkan peralatan dan keperluan yang telah digunakan selepas sesi *Speaker's Corner* diadakan.
- 7.2 Pelaporan Aktiviti *Speaker's Corner* diselaraskan oleh Majlis Perwakilan Pelajar.

8.0 LAIN-LAIN

- 8.1 Pelajar hendaklah mengamalkan sikap saling menghormati perbezaan pendapat, beradab dan beretika semasa menyampaikan pandangan serta perdebatan secara positif demi memastikan keharmonian, keselamatan dan kesejahteraan semua pihak.
- 8.2 Pelajar hendaklah bertanggungjawab terhadap sebarang kejadian sepanjang aktiviti *Speaker's Corner*.

- 8.3 Pelajar boleh juga melaksanakan *Speaker's Corner* di laman sosial rasmi HEP dan UTeM TV.
- 8.4 Pelajar hendaklah mematuhi undang-undang, peraturan, kaedah dan panduan yang berkuat kuasa dari semasa ke semasa.
- 8.5 Garis Panduan ini adalah tertakluk kepada pindaan oleh pihak UTeM dari semasa ke semasa.

9.0 PENUTUP

- 9.1 Garis Panduan *Speaker's Corner* Universiti Teknikal Malaysia Melaka dibangunkan sebagai panduan untuk menggalakkan keterbukaan universiti di samping mewujudkan suasana harmoni dan kondusif sebagai pusat intelektual.

